



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Komunikadu Imprensa

Governu felisita Primeiru-Ministru foun Austrália nian

Governu Timor-Leste hato'o felisitasaun ba Scott John Morrison ba ninia nomeasaun hanesan Primeiru-Ministru Austrália nian no dezeja susesu ne'ebé boot liután iha ninia funsaun nobre sira ne'ebé nia hala'o.

Timor-Leste no Austrália partilla ligasaun istóriu no espesiál ida ne'ebé kesi Povu rua ne'e, hahú husi Funu Mundiál Daruak, no ligasaun ida-ne'e ita sei haforsa ho selebrasaun Aniversáriu Misaun INTERFET nian da-20, ne'ebé maka sei hala'o iha tinan 2019 oinmai.

Nasaun rua ne'e partilla mós interese komún sira ne'ebé favoravel ba pás, estabilidade, seguransa, dezvoltimentu no progresu, no daudaun ne'e sai ami-nia parseiru ne'ebé boot liu iha esforsu atu konsolida Estado Direitu Demokrátiku ida, ne'ebé seguru, saudavel, moris-di'ak no reziliente.

Ho susesu ne'ebé ita hetan foin daudaun ne'e iha aprovasaun ba Tratadu kona-ba Ketan Tasik, iha hela faze ratifikasaun nian, ita fó ona ezemplu boot ida ba Mundu no fó fila-fali impulsu atu haforsa ita-nia lasu konfiansa no lasu amizade fraternál nian.

Primeiru-Ministru, Taur Matan Ruak, iha ninia karta felisitasaun nian ne'ebé haruka ba Primeiru-Ministru foun Austrália nian, hatete katak nia iha "esperansa boot atubele, ho apoiu Scott John Morrison nian, hetan rezultadu di'ak sira iha negosiasaun sira ne'ebé la'o hela kona-ba rekursu sira Greater Sunrise nian, atu nune'e bele aumenta liután ninia benefísiu ba populaun no dezvoltimentu ekonómiku Timor-Leste nian.

Taur Matan Ruak hatudu mós "ninia hakarak atu kontinua hametin lasu amizade, solidariedade no kooperasaun nian ne'ebé besik ne'ebé kesi metin país rua ne'e", hodi manifesta "onra no priviléjiu" atubele simu Primeiru-Ministru Austrálianu nian iha Timor-Leste.

REMATA



Palácio do Governo,
Avenida Presidente Nicolau Lobato,
Dili, Timor-Leste